

## Riikksuávtõs mie'rii sää'm äimmõs-suávtõõzz

Riikksuávtõs mie'rii tä'bbe 24. pá'rggmannust sää'm äimmõs-suávtõõzz nellj ee'jj pi'stti pájja. Sää'm äimmõs-suávtõs lij odđ, čõnnõtt'te'mes ä'sštobddiorgan, koon jõrddmõššân lij pu'htted sä'mmlai teáttvuáđđ da kíõččâmvue'jj pie'kken äimmõspoliikk valmštõõllmõõžž.

Sää'm äimmõs-suávtõ'sse nõõmteš 12 ee'ttkee'j da tõt nãrri tu'tkkeeivuázzlain da sää'm ä'rbbvuõđlaž teáđ vuá'mstee'jin. Saaggjåå'dtee'jen nõõmteš tu'tkkeeidãhttar **Klemetti Näkkäläjärvi** Oulu universitee'ttest.

Sää'm äimmõs-suávtõs lij maai'lmveiddsãnji jiijjãsnallšem meersaž organ, kãã'tt veekk ooudãs alggmeerai vuõiggãdvuõđid. Sää'm äimmõs-suávtõõzz mie'rreeš åån vuõssmõs vuãra. Sää'm äimmõs-suávtõõzzãst šiotteet ooduum äimmõslãã'jjest.

"Leãm sä'mmli'žžen da tu'tkkee'jen rãmmai da ilbbãd tõ'st, što sää'm äimmõs-suávtõs lij mie'rrium. Sää'm äimmõs-suávtõs rãjjj vuõigg vuãrrsaakkummuž sää'm ä'rbbvuõđlaž teáđ vuá'mstee'ji da tiõđõutstõõzz kõ'skķe. Äimmõs-suávtõõzz taarbšet äimmõsmuttãz da luãttjaauk sää'mõhttsažkãdda pu'httem va'žžtõõzzi rã'tkķeem diõtt." sãrnn sää'm äimmõs-suávtõõzz saaggjåå'dtee'jj Näkkäläjärvi.

### Sää'm äimmõs-suávtõs oudd ciãlkmid da puu'tat odđ teáttvuáđ

Sää'm äimmõs-suávtõõzz tuãjjan lij u'vded ciãlklmid äimmõspoliikk plaanummšin di puu't'ted teáttvuáđ äimmõspoliikk valmštõõllmõõžž tuã'rjjen sä'mkulttuur ooudãsviikkmõõžž kíõččâmvue'jjest.

Äimmõs-suávtõõzz tu'tkkeeivuázzlain liã mãngpeãllsa silttummuž jeã'rbi mie'ldd äimmõstiõttjin, alggmeertu'tkķummšest, ekologias da pirrõstãälãst. Ä'rbbvuõđlaž teáđ vuá'mstee'jin liã peã'lstes silttummuž jeã'rbi mie'ldd puãz3hããidãst, kíõtt-tuãjain, äimmõsmuttãz kaart'tõõzzãst, kue'llšeeellmõõžžãst da ä'rbbvuõtt-teáđ noormõõžžãst. Ä'rbbvuõđlaž teáđ vuá'mstee'j ee'ttkã'stte še vaiddsãnji sä'mmlai dommvuu'd nu't mãddtiõđlãnji gu kíõli beã'lnn. Äimmõslãã'jj mie'ldd uu'ccmõsãn pie'll ee'ttkee'jin å'lğge lee'd ä'rbbvuõđlaž teáđ vuá'mstee'j.

Sää'mkulttuur lij samai čuõz3tõõvvi äimmõsmuttsa, gu ä'rbbvuõđlaž sä'mkulttuur lij õhttvuõđãst aarktlãž luõttu. Äimmõs pakkã aarktlãž vuu'din veãl jã'ttlubun gu jee'resã'rnn maai'lmest.

### Sää'm äimmõs-suávtõõzz norrõs 1.9.2023-31.8.2027:

#### Tiõđsuõ'rji ee'ttkee'j

Klemetti Näkkäläjärvi (Oulu universite'tt, saaggjåå'dtee'jj)

Hilppa Gregow (Äimmtiõtti strooi'tel)

Rauna Kuokkanen (Lappi universite'tt)

Päivi Meriläinen (Tiõrvãsvuõđ da pue'rrvããjjam strooi'tel)

Markku Ollikainen (Lãã'dd äimmõspanee'l). Nõõmeet ee'jj 2023 lo'ppe, tä'l ånn'jõž äimmõspanee'l toi'mmjempãã'jj põõtt.

Henni Yläne (Nuõrtt-Lãã'dd universite'tt)

#### Sää'm ä'rbbvuõđlaž teáđ vuá'mstee'j

Esko Aikio (Uccjokk)

Petra Biret Magga Vars (Suã'djel)

Antti-Oula Juuso (Jeãnõk)

Raija Lehtola (Aanar)

Tuomas Semenoff (Aanar)

Jussa Seurujärvi (Aanar)

**Lââ'steâđ:**

**Karin Cederlöf**

Halltöspiisar

Pirrõsministeria

te'l. 0295 250 010

(31.8.2023 räjjä)

karin.cederlof@gov.fi

**Heta-Elena Heiskanen**

Spesiaalä'sštobddi

Pirrõsministeria

te'l. 0295 250 380

heta-elena.heiskanen@gov.fi

**Klemetti Näkkäljärvi**

Sää'm äimmõs-suåvtõõzz saaggjää'dtee'jj

Tu'tkkeeidåhttar, CERH, Oulu universite'tt

te'l. 040 5371584

[klemetti.nakkalajarvi@oulu.fi](mailto:klemetti.nakkalajarvi@oulu.fi)